

**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ**  
**ԿԵՆՏՐՈՆԱԿԱՆ ԸՆՏՐԱԿԱՆ ՀԱՆՁՆԱԺՈՂՈՎ**

25 փետրվարի 2023թ.  
ք. Երևան

N 7-Ա

**Ո Ր Ո Շ ՈՒ Մ**

**ՀԻՆԳ ՔԱՌԱԿՈՒՍԻ ՄԵՏՐԸ ԳԵՐԱԶԱՆՑՈՂ ԱՐՏԱՔԻՆ ԳՈՎԱԶԴԱՅԻՆ  
ՎԱՀԱՆԱԿՆԵՐՈՒՄ ՔԱՐՈԶՉԱԿԱՆ ՊԱՍՏԱՌՆԵՐ ՓԱԿՑՆԵԼՈՒ ԻՐԱՎՈՒՆՔԸ  
ՏԵՂԱԿԱՆ ԻՆՔՆԱԿԱՌԱՎԱՐՄԱՆ ՄԱՐՄԻՆՆԵՐԻ 2023 ԹՎԱԿԱՆԻ ՄԱՐՏԻ  
26-Ի ԸՆՏՐՈՒԹՅՈՒՆՆԵՐԻՆ ՄԱՍՆԱԿՑՈՂ ԿՈՒՍԱԿՑՈՒԹՅՈՒՆՆԵՐԻ  
ԵՎ ԿՈՒՍԱԿՑՈՒԹՅՈՒՆՆԵՐԻ ԴԱՇԻՆՔԻ ՄԻՋԵՎ ԲԱՇԽԵԼՈՒ ՄԱՍԻՆ**

Ղեկավարվելով «Հայաստանի Հանրապետության ընտրական օրենսգիրք» Հայաստանի Հանրապետության սահմանադրական օրենքի (այսուհետ՝ Ընտրական օրենսգիրք) 21-րդ հոդվածի 6-րդ մասով և հաշվի առնելով տեղական ինքնակառավարման մարմինների 2023 թվականի մարտի 26-ի ընտրություններին մասնակցող կուսակցությունների, կուսակցությունների դաշինքի (այսուհետ՝ կուսակցություն) կողմից ներկայացված հինգ քառակուսի մետրը գերազանցող արտաքին գովազդային վահանակներում (այսուհետ՝ վահանակ) քարոզչական պաստառներ տեղադրելու համար ներկայացված հայտերը, վահանակները տնօրինող կազմակերպությունների (այսուհետ՝ կազմակերպություն) կողմից տրամադրված վահանակների ցանկերը՝ Հայաստանի Հանրապետության կենտրոնական ընտրական հանձնաժողովը

**Ո Ր Ո Շ ՈՒ Մ Է .**

1. Կազմակերպությունների կողմից տրամադրված հայտերում առկա այն վահանակները և վահանակների կողմերը, որոնք իրենցից ներկայացնում են լուսադիոդային էկրան (ԼԵԴ), հանվում են վիճակահանությամբ բաշխվող վահանակների ցանկից: Սույն կետում նշված վահանակների առանձնահատկությունների հաշվառմամբ նշված վահանակները սույն որոշմամբ տրամադրվում են կուսակցություններին հավասար հնարավորությունների ապահովմամբ և Ընտրական օրենսգրքով սահմանված այլ կանոնների պահպանմամբ՝ առանց վիճակահանությամբ բաշխվելու:

Եթե կազմակերպությունների կողմից ներկայացված ցանկում առկա են վահանակներ, որոնք հանդիսանում են լուսադիոդային էկրան (ԼԵԴ), սակայն հայտում նշված չլինելու պատճառով այդ մասին տեղեկությունը հայտնի չէ Կենտրոնական ընտրական հանձնաժողովին, ապա դրանց վրա տարածվում է սույն կետի առաջին պարբերությամբ սահմանված կարգավորումը, եթե անգամ Կենտրոնական ընտրական հանձնաժողովը դրանք վիճակահանությամբ բաշխել է կուսակցությունների միջև:

2. Այն վահանակները, որոնց համար դիմել է միայն մեկ կուսակցություն, տրամադրվում են տվյալ կուսակցությանը՝ համաձայն N 1 հավելվածի:

3. Հաշվի առնելով, որ մնացած վահանակների կողմերի համար ներկայացվել են մեկից ավելի հայտեր, բոլոր վահանակների բոլոր կողմերը համարել մրցակցային վահանակներ: Վահանակները խմբավորել այնպես, որ յուրաքանչյուր խմբում ներառվեն այն վահանակները, վահանակների կողմերը, որոնց միևնույն կողմի վրա հայտ են ներկայացրել միևնույն 2 կուսակցություններ:

4. Հաստատել սույն որոշման 3-րդ կետով նկարագրված խմբերը և յուրաքանչյուր խմբում մրցակցող կուսակցությունները՝ համաձայն N 2 հավելվածի:

5. Սույն որոշման N 2 հավելվածով ստացված յուրաքանչյուր խմբում այդ խմբում մրցակցող կուսակցությունների միջև իրականացնել վահանակների կողմերի բաշխման վիճակահանություն այնպես, որ յուրաքանչյուր խմբում ընդգրկված վահանակների մրցակցող կողմերը հավասարապես բաժանվեն այդ խմբում մրցակցող բոլոր կուսակցությունների միջև:

Հավասարաչափ բաշխում իրականացնելու անհնարինության դեպքում խմբում առկա մրցակցային կողմերի քանակը բաշխել այնպես, որ յուրաքանչյուր կուսակցության ստացած կողմերի քանակն ավելի քան մեկով պակաս կամ ավելի չլինի խմբում ընդգրկված ամեն մի կուսակցության ստացած կողմերի քանակից:

6. Հաստատել սույն որոշման 5-րդ կետով իրականացված վիճակահանությամբ բաշխման արդյունքը՝ համաձայն N 3 հավելվածի:

7. Վահանակները տնօրինող կազմակերպությունները սույն որոշման N 1 և N 3 հավելվածներին համապատասխան պարտավոր են սահմանված կարգով պայմանագրեր կնքել:

8. Սույն որոշումն ուժի մեջ մտնելուց հետո կուսակցությունները սույն որոշման N 1 և N 3 հավելվածներին համապատասխան պարտավոր են եռօրյա ժամկետում տեղեկացնել վահանակները տնօրինող կազմակերպություններին սահմանված կարգով պայմանագրեր կնքելու կամ վահանակներից հրաժարվելու մասին:

Սույն որոշումն ուժի մեջ մտնելուց հետո՝ եռօրյա ժամկետում, կուսակցության կողմից պայմանագիր չկնքելու դեպքում գովազդային վահանակը տնօրինողն ազատ է կնքելու այլ պայմանագիր՝ այդ վահանակն այլ նպատակներով օգտագործելու համար:

9. Սույն որոշման 8-րդ կետում սահմանված ժամկետներում ցանկացած երկու կուսակցություն կարող են միմյանց միջև փոխանակել հավասար թվով վահանակներ և տեղեկացնել Կենտրոնական ընտրական հանձնաժողովին և համապատասխան վահանակները տնօրինող կազմակերպությանը:

10. Սույն որոշումն ուժի մեջ է մտնում նիստում հրապարակվելու պահից:

11. Սույն որոշումը կարող է բողոքարկվել Հայաստանի Հանրապետության վարչական դատարան՝ օրացուցային երեք օրվա ընթացքում:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԿԵՆՏՐՈՆԱԿԱՆ ԸՆՏՐԱԿԱՆ  
ՀԱՆՁՆԱԺՈՂՈՎԻ ՆԱԽԱԳԱՀ**

**Վ. Հովակիմյան**

**Հավելված 1**  
**Հայաստանի Հանրապետության**  
**կենտրոնական ընտրական հանձնաժողովի**  
**2023թ. փետրվարի 25-ի թիվ 7-Ա որոշման**

h/h	Մարզ	համայնք	Վահանակի գտնվելու վայրը	Մակերեսը (քառ.մ)	Վահանակի ամեն կողմի տրամադրման արժեքը 1 ամսվա համար, ՀՀ դրամով՝ ներառյալ հարկերը	Կողմերի քանակը	Կողմերի անվանումները (A,B,C ...)	Կող (Լրացնում է ԿԸՀ-ն)	ՔԱՂԱՔԱՑԻԱ-ԿԱՆ ՊԱՅՄԱՆԱԳԻՐ ԿՈՒՍ
-			Իմիջ Մ.Գ. ՍՊԸ, ք. Երևան, Նալբանդյան 7/1, քն. 52, հեռ. 099030127, 099030128, 010589957						
1	Շիրակ	Մարալիկ	Սառնաղբյուր խաչմերուկ	18	108000	2	AB	<b>001</b>	<b>1</b>
2	Շիրակ	Մարալիկ	Համայնքի մուտք	18	108000	2	AB	<b>002</b>	<b>1</b>

**Հավելված 2**  
**Հայաստանի Հանրապետության**  
**կենտրոնական ընտրական հանձնաժողովի**  
**2023թ. փետրվարի 25-ի թիվ 7-Ա որոշման**

Խումբ	Վահանակների քանակ	Կողմերի քանակ	ԱԶԳ-ՀԱՄԱՅՆՔ ԴԱՇԻՆՔ	ՀԱՅԱՍՏԱՆԻ ՀԱՆՐԱՊԵՏԱԿԱՆ ԿՈՒՍ	ՔԱՂԱՔԱՑԻԱԿԱՆ ՊԱՅՄԱՆԱԳԻՐ ԿՈՒՍ
Խումբ 1	3	6	X		X
Խումբ 2	2	3		X	X

**Հավելված 3**  
**Հայաստանի Հանրապետության**  
**Կենտրոնական ընտրական հանձնաժողովի**  
**2023թ. փետրվարի 25-ի թիվ 7-Ա որոշման**

Մարզ	համայնք	Խումբ	Կոդ (Լրացնում է ԿԸՀ-ն)	Կողմերի անվանումները (A,B,C ...)	«ԱԶԳ-ՀԱՄԱՅՆՔ» ԴԱՇԻՆՔ	ՀԱՅԱՍՏԱՆԻ ՀԱՆՐԱՊԵՏԱԿԱՆ ԿՈՒՍԱԿՑՈՒԹՅՈՒՆ	«ՔԱՂԱՔԱՑԻԱԿԱՆ ՊԱՅՄԱՆԱԳԻՐ» ԿՈՒՍԱԿՑՈՒԹՅՈՒՆ
Շիրակ	Մարալիկ	Խումբ 1	<b>003</b>	A			1
Շիրակ	Մարալիկ	Խումբ 1	<b>003</b>	B	1		
Շիրակ	Մարալիկ	Խումբ 1	<b>004</b>	A			1
Շիրակ	Մարալիկ	Խումբ 1	<b>004</b>	B	1		
Շիրակ	Մարալիկ	Խումբ 1	<b>005</b>	A			1
Շիրակ	Մարալիկ	Խումբ 1	<b>005</b>	B	1		
Սյունիք	Սիսիան	Խումբ 2	<b>006</b>	B		1	
Սյունիք	Սիսիան	Խումբ 2	<b>007</b>	A		1	
Սյունիք	Սիսիան	Խումբ 2	<b>007</b>	B			1